

nem aquæ fontanæ, præsertim ea, quæ fiunt ex radicibus & herbis siccis, addendo semper circa finem proportionatam spiritus vini quantitatem conservationis gratiâ, resi-

nosa verò cum spiritu vini binis vicibus extrahuntur, fitquè abstractio ad extracti consistentiam, quæ virtutes ingredientis præseverunt.



CLASSIS DECIMA.

D E

OLEIS COCTIS

Compositis & simplicibus, oleis per deliquium, destillatis & expressis.

OLEA COCTA.

OLEUM ACOVSTI-CUM AMBRATUM.

Millepedum vivorum
Cœparum ana unciam unam,
Fellis carpionum recentis
Herbæ rutæ recentis
Majoranæ recentis
Radicis cyclaminis ana unciam semis,
Hellebori albi
Castorei ana drachmam unam,
Styracis drachmas duas,
Croci austriaci drachmam semis,

Olei amygdalarum amararum uncias sex,

Formicarum Nardini ana uncias quatuor,

Coquantur in Vini generosi libra semis,
Ad consumptionem humidi, colaturæ addantur

Olei anisi Anthos ana drachma semis,
Ambræ scrupuli duo,

Præparatur etiam sine ambra.

In surditate, auditus gravitate, & tinnitus conductit, aurium apostemmatum rumpit, & ulcera manantia curat.

OLEUM

OLEUM ARANEA-RUM.

¶. Olei nymphæ
Lumbricorum terrestrium
ana uncias sex,
Hyperici uncias duas,
Foliorum rutæ
Florum sambuci ana recenti-
um unciam unam,
Aceti rosacei
Calendulæ ana uncias tres,
Aranearum crassarum numerô
quadraginta quinque,
Decoquantur omnia ad humidi
consumptionem, colentur, & ex-
primantur, in colatura infundan-
tur rursus
Araneæ crassæ numerô viginti
quinquè,
Camphoræ drachma semis,
Digerantur, colentur, & servetur
usui.

*In febribus malignis & petechiis re-
gio cordis & arteriæ ad malignitatem
evocandam illiniuntur.*

OLEUM DE CAPPARIBUS.

¶. Corticis radicum capparum un-
cias tres,
Tamarisci
Foliorum tamarisci
Seminis agni casti
Ceterach
Cyperi rotundi ana drachmas
sex,
Rutæ drachmas tres,

Misceantur contusa, & irrorentur
aceto, tum addantur
Olei olivarum libræ tres,
Coquantur ad consumptionem
humidi, colentur, & expriman-
tur.
*Obstructiones lienis, ejusquæ duros
& scirrhosos tumores tollit.*

OLEUM CASTOREI.

¶. Castorei unciam semis,
Styracis calamitæ
Gummi galbani
Euphorbii
Cassia lignæ veræ
Croci austriaci
Opopanaxis
Cubebarum
Spicæ nardi indicæ
Costi ana drachmas duas,
Cyperi rotundi
Schænanthi
Piperis longi
Nigri
Herbæ sabinæ
Radicis pyrethri ana drachmas
duas semis,

Irrorentur vini generosi sufficienti
quantitate, tum addantur
Olei libræ tres,
Et in vase benè clauso per aliquot
dies calore arenæ digerantur, dein
coletur oleum.

*Cerebri, nervorumquæ affectibus
frigidis, tetano, paralyse, convulsioni-
bus, tremori, rigorique febrili subve-
nit, spinâ dorsi illinitâ.*

OLEUM DIACOLO-CYNTHIDOS.

R. Olei absynthii
Rutæ
Fellis bubuli ana uncias qua-
tuor,
Pulpæ colocynthidos
Hellebori nigri ana unciam
unam,
Coquantur ad humidi consump-
tionem, &, lege artis, coletur
oleum.
*Umbilico illinitum alvum adstric-
tam solvit, vermes pariter necat &
subducit.*

OLEUM GONZA-GIANUM.

R. Florum sulphuris uncias tres,
Myrrhæ rubræ
Mumiæ veræ ana unciam
unam,
Axungiæ serpentum unciam
unam semis,
Indantur vasi vitro, & affundatur
oleum terebinthinæ ad trium digi-
torum eminentiam addendo
Olei benzoës destillati drach-
mas duas,
Stent per octiduum in digestione,
dein forti expressione coletur, &
servetur oleum.

*In contusionibus, iisque affectibus,
ubi sanguis extravasatus stagnationem
procuravit, resolvit, digerit, & ad
circulationem reducit.*

OLEUM HABACU-CINUM.

R. Herbæ absynthii recentis
Tamarisci
Scolopendrii ana uncias
duas,
Radicis dictamni albi
Gentianæ ana uncias tres,
Amygdalarum amararum
Nucleorum persicorum ana un-
ciam unam semis,
Seminis cynæ
Herbæ corallinæ ana uncias
quatuor semis,
Colocynthidos
Corticum aurantiorum
Citri ana unciam unam,
Succi absynthii
Citri
Aceti fortis ana uncias quatuor
semis,
Incisa misceantur, & macerentur
per aliquot dies, dein addantur
Olei olivarum libræ quinquæ,
Fellis taurini numerō tria,
Bulliant ad consumptionem hu-
miditatis, dein admisceantur
Picis navalis libra semis,
Aloes succotrinæ uncia duæ,
Theriacæ andromachi drach-
mæ decem,
Olei spicæ uncia una semis,
Petræ uncia quatuor,
His benè solutis & digestis coletur
oleum.
*Hoc oleo inundata regio umbilicalis
alvum reddit lubricam, vermes necat
& expellit.*

OLEUM

OLEUM HEPATI-CUM RUBRUM.

℞. Herbæ hepaticæ nobilis
Matrifylvæ
Euphrasiæ palustris cæru-leæ
Florum papaveris erratici ana unciam semis,
Rosarum rubrarum unciam unam,
Herbis fine stipitibus addantur
Radicis anchusæ incisæ & vi-no irroratæ unciæ duæ semis,
Infundantur dein in
Olei olivarum libra una semis,
Dein addatur
Santali rubri pulverisati prius per noctem in aceto vini infusi uncia una semis,
Fricentur in sartagine super ignem, & coquantur, fiatquè expressio per linteum.
Inflammationem hepatis mediante inundatione potenter minuit.

OLEUM AD HER-NIAS.

℞. Lacertarum vivarum numerò quadraginta,
Lumbricorum terrestrium recentium libram unam,
Asellorum recentium uncias tres,
Florum chamæmeli Sambuci ana unciam unam,

Coquantur ad consumptionem humidi cum Axungiæ ursi libris duabus, Exprimantur fortiter, dein addantur Olei ovorum unciæ tres, Et servetur usui.
Quod herniosis summè proficuum est.

OLEUM HYPERICI.

℞. Florum hyperici ad maturitatem semenis ferè accendentium contusorum libras tres, Croci austriaci scrupulos quatuor, Olei clari libras tres, Macerentur, tum bulliant ad humili consumptionem, ex post exprimantur, expressum, lege artis, commisceatur cum Terebinthinæ claræ libra una, Et servetur usui.
Dolores arthriticos, podagricos, ischiaticos & varicosos calefaciendo mitigat, nervis & epilepsie subvenit, vulnera glutinat, & cicatrisat.

OLEUM LACERTA-RUM.

℞. Olei nucum juglandium recenter expressi libra tres, Quibus immergantur Lacertarum viridium numerò viginti quinque, Suffocentur, & stent per tempus in digestione solis calore, tum colentur.

Strumis, scrophulis & herniis resolvendis conductit, capillos quoque auget.

OLEUM MASTICI- NUM AUREUM.

R. Herbæ rutæ

Menthæ hortensis

Abrotani

Menthæ saracenicæ ana
recentium uncias duas,

Spicæ indicæ unciam semis,

Olei olivarum libras tres,

Incisa coquantur ad humiditatis
consumptionem, in colatura dis-
solvatur

Mastichis electæ libra semis,
Dein reiteratæ colaturæ post refri-
gerationem addatur

Olei destillati nucis moschatæ

Caryophyllorum

Macis

Menthæ ana drach-
ma semis,

Cinnamomi scrupu-
lus unus,

Misceantur, & servetur oleum usui.

*Ventriculum & intestina calefacit,
concoctionem promovet, tormina quo-
què in diarrhœis salubriter mitigat.*

OLEUM NARDINUM COMPOSITUM.

R. Spicæ indicæ uncias tres,

Herbæ majoranæ uncias duas,

Radicis enulæ

Calami aromatici

Cyperi rotundi

Macis

Foliorum lauri

Schænanthi

Cardamomi ana unciam semis,
Contusa misceantur, & affundan-
tur

Vini albi unciaæ octo,
Post aliqualem macerationem
cum

Olei olivarum libris sex,
Lege artis, oleum excoquatur, &
coletur.

*Cerebri & nervorum affectibus sub-
venit, ventriculum roborat, conco-
ctionem promovet, & thoracis ac pul-
monum ulceribus medetur.*

OLEUM SAMP SU- CHINUM, SIVE MAJORA- NÆ COMPOSITUM.

R. Foliorum majoranæ uncias duas,

Serpilli unciam unam,

Myrti unciam semis,

Menthæ aquaticæ

Abrotani ana drachmas
duas,

Cassia lignæ veræ uncias duas,

Olei olivarum libras tres,

Concisis & contusis affundatur
oleum, & vase bene clauso, solis
aut alio calore macerentur per
octiduum, dein exprimantur.

*Cerebro & nervis prodest, paralysi
& convulsionibus medetur, spinâ in-
undâ, menses, secundinas & partus
promovet, uteri suffocationi, & scor-
pionum morsibus opitulatur.*

OLEUM SCORPIO- NUM MAGNUM.

R. Summitatum hyperici recenti-
um libram semis,

Herbæ

Herbæ scordii recentis drachmas sex,
 Calaminthæ
 Cardui benedicti ana recentium unciam semis,
 Coquantur concisa in
 Olei olivarum libris tribus,
 Ad humidi consumptionem, in colatura infundantur contusa grossa modo
 Radicis zedoariæ
 Dictamni albi
 Gentianæ
 Aristolochiæ rotundæ ana drachmæ tres,
 Cinnamoīi drachmæ sex,
 Schænanthi
 Croci austriaci ana drachma una,
 Baccarum juniperi
 Styracis
 Benzoës
 Myrræ
 Theriacæ
 Mithridatii ana uncia semis,
 Scorpionum vivorum numerō trecenti,
 Macerentur vase probè clauso, postea coletur, & lege artis, exprimatur oleum.

In febribus malignis, peste, ejusque bubonibus, uti & morsu animalis venenati prodest hoc oleum, si morsui & bubonibus, in prioribus verò, si pulsibus, cordi & temporibus illiniatur.

OLEUM SCORPIO- NUM SIMPLEX.

¶. Scorpionum vivorum numerō centum,

Olei amygdalarum amararum libras duas,
 Macerentur in vase vitreo benè clauso per mensem loco calido, tum colentur, & oleum servetur usui.

*Alexipharmacum deprivatur pul-
sibus & cordi illinitum, urinam verò, calculumquè pellit regioni renum, ves-
cæ & pubis illinitum, quamvis pro hoc ultimo affectu à quibusdam etiam inter-
nè adhibeatur.*

OLEUM SEPTEM FLORUM.

¶. Florum violarum
 Sambuci
 Rosarum
 Chamæmeli
 Liliorum alborum
 Verbasci
 Malvæ arboreæ rubræ ana recentium libram se-
 mis,
 Infundantur singuli flores suo tem-
 pore in
 Olei olivarum libris sex,
 Digerantur tam diu, donec omnes flores suo tempore collecti fuerint, ut perfecta maceratio fiat, dehinc simul fiat decoctio ad humidi con-
 sumptionem, & peractâ forti ex-
 pressione habebitur oleum.

*Anodnum deprivatur, capitibus do-
lores, phrenesin & vigilias fronti &
temporibus impositum mitigat, hypo-
chondriorum, ventriculi, coli & uteri
tensiones relaxat, pleuritidi, tabi &
hæticæ medetur.*

OLEUM STOMACHICUM.

R. Gummi mastichis uncias tres,
Tacamahacæ
Ladani ana uncias duas,
Styracis unciam unam,
Vini generosi libram semis,
Olei absynthii libras tres,
Stent in digestione per viginti quatuor horas, dein coquantur, colaturæ addatur
Olei nucis moschatæ expressi
uncia una semis,
Et servetur usui.

In doloribus ventriculi, flatibus & consimilibus affectibus prodest.

OLEUM VIRIDE.

R. Herbæ & radicis valerianæ recentis
Cardui benedicti recentis
Numulariæ recentis
Betonicæ
Anethi
Summitatum hyperici cum floribus
Centaurii minoris cum floribus
Tritici
Baccarum juniperi viridium
ana uncias duas,
Incisa & contusa suo tempore infundantur in
Vini albi libris sex,
Dein addantur
Olei olivarum libræ duodecim,
Et coquantur ad consumptionem

humiditatis, colaturæ admisceantur iñ vicem soluta
Olibani electi
Mastichis ana libra semis,
Terebinthinæ claræ libra una,
Et sic paretur oleum.

Ad contusiones, obstrunctionesque resolvendas externo, pulmonum aliorumque viscerum exulcerationes interno usu celebratur.

DE OLEIS COCTIS SIMPLICIBUS PROSTANT:

Oleum Abrotani,
Absynthii,
Anagallidis,
Anethi,
Chamæmeli,
Cheyrinum,
Consolidæ majoris,
Cydoniorum,
Euphorbii,
Formicarum,
Irinum ex radice & floribus,
Liliorum alborum,
Lumbricorum terrestrium,
Majoranæ,
Mastichis,
Menthæ,
Momordicæ,
Myrtillorum,
Nymphææ,
Palmarum,
Ranarum,
Rosarum,
Rutæ,
Sambuci,
Saniculæ,
Spermatis Ranarum,
Tamarisci,

Oleum

Oleum verbasci,
Violarum.

Parantur hæc olea simpliciter, lege artis, cum oleo olivarum, & virtutes simplicium in se continent.

OLEA PER DELIQUIUM.

OLEUM MYRRHÆ.

℞. Myrrhæ pulverisatæ quantum libet,

Imponatur albumini ovi cocti adhuc calido, & reponatur in cellam ad liquefcendum; vel: mixta cum eodem albumine myrrha reponatur supra tabulam vitream, ut liquescat, & destilletur in vitrum suppositum.

Cutis maculas, & luis venereæ stigmata abstergit.

OLEUM TARTARI.

℞. Tartari calcinati, vel salis tartari quantum placuerit,

Fluat per manicam hippocratis loco humido, & sic paratum est oleum.

Digerit, incidit & aperit, hinc hypochondriacis & nephriticis salutare.

OLEA DESTILLATA.

OLEUM ABROTANI.

℞. Summitatum abrotani ad seminis maturationem accendentium, quantum placet, incidentur, con-

tundantur, & cum aqua tepida infundantur, inspergendo salis communis quantum satis, stent in olla benè tecta per aliquot dies ad macerationem, tum destillentur per vesicam, & prodibit oleum cum aqua, à qua oleum separetur;

Eodem modo parantur:

Oleum Absynthii,
Chamæmeli,
Chærefolii,
Hyssopi,
Lavendulæ,
Majoranæ,
Melissæ,
Menthæ,
Origani,
Pulegii,
Rorismarini,
Rosarum verum,
Rutæ,
Sabinæ,
Salviæ,
Satureiæ,
Serpilli,
Spicæ,
Tanaceti,
Thymi,

OLEUM AMMONIACI GUMMI.

℞. Gummi ammoniaci libram unam,
Silicum calcinorum libram unam semis,

Destillentur per retortam vitream in arena, liquore separato, oleum, quod prodiit, lege artis, rectificeatur.

Simili processu destillantur:
 Oleum Benzoës,
 Galbani,
 Fuliginis,
 Mastichis,
 Myrrhæ,
 Olibani,
 Opopanaxis,
 Picis,
 Pini,
 Sagapeni,
 Styracis,
 Succini albi,
 Citrini.

OLEUM ANETHI EX SEMINE.

R. Seminis anethi libras sex, Contusa infundantur aquâ fontanâ ad aliqualem macerationem, additâ fali communis sufficienti quantitate, destilletur per vesicam, &, lege artis, oleum separetur.

Pari modo solent destillari:

Oleum angelicæ ex semine,
 Anisi ex semine,
 Carvi ex semine,
 Coriandri ex semine,
 Cumini ex semine,
 Fœniculi ex semine,
 Juniperi ex baccis,
 Lauri ex baccis,
 Nigella ex semine,
 Petroselini ex semine.

OLEUM ANTIMO. NII.

Idem est quod butyrum antimo-
 nii.

OLEUM AURANTIO- RUM è CORTICIBUS.

R. Corticum exteriorum de pomis aurantiis recentium & non putridorum quantum placet, Inciduntur, & absquè maceratione, quæ quidem copiosius, sed deterrius oleum suppeditaret, cum aquæ fontanæ sufficienti quantitate destillentur per alembicum, & oleum, lege artis, separetur.

Tali modo Paratur

Oleum Citri è corticibus.

OLEUM BUXI LIGNI.

R. Buxi ligni raspati quantum placet, Destilletur per retortam, separetur oleum à spiritu, & rectificetur.

Hac methodo destillantur:

Oleum guaiaci ex ligno ejus,
 Juniperi ex ligno.

OLEUM CALAMI AROMATICI.

R. Radicum calami aromatici quantum lubet, Inciduntur & aliquamdiu in aquæ fontanæ sufficienti quantitate macerentur, dein per alembicum convenienti igne destillentur, &, lege artis, oleum separetur.

Pariformiter parantur:

Oleum cardamomi,
 Caryophyllorum,

Ole-

Oleum cinnamomi,
Cubebarum,
Ligni rhodii,
Ligni sassafras,
Macis,
Nucis moschatæ,
Piperis,
Zedoariæ.

OLEUM CAMPHORÆ.

¶. Camphoræ libram semis,
Argillæ libram unam semis,
Misceantur exactè, & in arena leni igne per retortam destillentur, ubi cum phlegmate ascendens oleum, lege artis, separetur. Paratur pro usu externo etiam oleum camphoræ ex camphora soluta in oleo amygdalarum dulcium.

OLEUM CARMINATIVUM.

¶. Olei destillati seminis cumini unciam unam,
Fœniculi
Anisi
Carvi ana drachmas duas,
Anethi
Corticum aurantiorum
Chamæmeli ana drachmam unam,
Miscantur, & usui serventur.

Hystericas, melancholicas, & hypochondriacas passiones tollit, flatus discutit, dolores quoquè ventriculi & intestinalium sedat.

OLEUM CERÆ.

¶. Ceræ flavæ puræ libram unam, Arenæ mundæ libras tres, Mixta liquefiant, & fermentur in globulos, indantur retortæ, dein destillentur, tandem additione cinerum, vel ossium calcinatorium rectificetur per retortam, &, lege artis, separetur oleum.

Tali norma paratur :

Oleum saponis.

OLEUM CORNU CERVINI.

¶. Cornuum cervi in frusta conciforum quantum placet, Imponantur retortæ terreæ recipiente vitreo munitæ, & igne aperto per gradus ad ignitionem usque aucto phlegma, sal volatile, oleum & spiritus eliciatur, quæ omnia rectificando successivè oleum, lege artis, separetur.

Eadem methodo destillantur :

Oleum cranii humani,
Lumbricorum,
Sanguinis humani,
Serpentum,
Viperarum,
Ungulæ alcis.

OLEUM GALBANEUM PARACELSI.

¶. Gummi galbani libram unam, Olei terebinthinæ claræ libras tres,

Mm

Mi-

Misceantur, digerantur, & destillentur per retortam, destillato addatur

Olei lavendulæ destillati uncia una,

Et servetur usui.

Cephalicum est, & antinephriticum, contracturis quoquè medetur.

OLEUM LOIMICUM.

℞. Olei destillati camphoræ
Succini
Citri ana unciam
unam,

Misceantur pro usu.

Virtutes hujus olei in peste tanquam specifici expertissimi depraedicat Heinius.

OLEUM PHILOSOPHORUM, SEU DE LATERIBUS.

℞. Laterum grosso modo contuorum & ignitorum quantum placet,

Olei olivarum, quantum lateres imbibere possunt,
Ex retorta igne aperto per gradus aucto, lege artis, destillentur, oleum prodiens super cineres rectificetur.

Ad lienis tumores resolvendos, paralysim, asthma, & suffocationes hystericas conductit.

OLEUM SATURNI.

℞. Salis saturni chrystallini uncias octo,

Immittantur phiolæ, & affusis Olei terebinthinæ claræ libris duabus,

Digerantur in arena, tincturaque extrahatur, quæ ex retorta igne aperto destilletur, leni in principio igne, donec spiritus terebinthinæ prodierit, mutetur dein recipiens, & ignis, lege artis, augeatur per gradus, usquæ dum totum oleum exierit.

In cancerosis, exædentibus & malignis ulceribus recommendatur.

OLEUM SULPHURIS.

℞. Spiritus sulphuris destillatio continua, ubi ultimâ ignis torturâ oleum prolicet, advertendo, ut quando spiritus rubeus, id est: oleum venire incipit, prior spiritus antea separetur.

In peste, asthmate & pectoris affectibus conductit.

In hunc modum etiam paratur:

Oleum vitrioli.

OLEUM TARTARI FOETIDUM.

℞. Tartari albi puri crassiusculæ confracti, quantum placet,

Immittatur in retortam vitream, cuius tertia pars vacua maneat, collocetur in arenam, recipiente sat capaci adaptato & probè luto, ignis per gradus successivè intendatur, usquæ dum spiritus instar nebularum cum oleo egrediuntur,

antur, separentur invicem per filum prius aquâ humectatum, & super cineres, lege artis, rectifice-
tur oleum.

Oleum tartari pariter haberipotest ex fœcibus, dum sal volatile
tartari præparatur.

OLEUM TEREBIN- THINÆ.

R. Terebinthinæ lucidæ quantum lubet, in

Aquæ fontanæ larga quanti-
tate,

Destillentur ex vesica lento igne,
& prodibit phlegma cum oleo,
quæ, lege artis, ab invicem sepa-
rentur.

*Cuncta hæc olea destillata simplicio-
ra principalis sui virtutes secumferunt.*

OLEA EXPRESSA.

OLEUM AMYGDALA- RUM AMARARUM.

R. Amygdalarum amararum non
rancidarum, quan-
tum placet,

Contundantur minutissimè, dein
exprimantur.

*Oleum hoc attenuat, digerit & in-
cidit, aurium tinnitus, cutis maculas
& asperitates tollit, in stranguria &
vermibus pubi illinitur.*



OLEUM AMYGDALA- RUM DULCIUM.

Fit eodem modo, quo præcedens,
sine igne.

*Internè recens expressum & non-
rancidum sumitur in pleuritide, nephri-
tide, colica, stranguria, raucedine,
tussi, aliisque pectoris affedibus, tormi-
na puerarum & recens natorum si-
stit, adhibetur & in clysteribus ad al-
vum solvendam & inveteratas fœces
emolliendas.*

OLEUM HYOSCIAMI SEMINIS.

R. Seminis hyosciami quantum
placet,

Contundatur parum, torretur &
fortiter exprimatur.

*Ad dolores sistendos dilaudatum est
anodynum.*

Eodem modo exprimuntur :

Oleum seminis cannabini,
Seminis lini,
Seminis papaveris albi,
Seminum quatuor frigido-
rum majorum,
Seminis sesami,
Seminis sinapis,
Et ex aliis seminibus,

*Quæ olea virtutes simplicium emu-
lantur.*

OLEUM NUCLEO- RUM PERSICORUM.

R. Procedatur hoc oleum expri-
Mm 2 men-

mendo, uti cum amygdalis factum.

Aurum, hæmorrhoidumquè dolores & tumores tollit, assumptum colicæ medetur.

Tali etiam modo parantur:

Oleum nucum avellanarum,
Nucum juglandium,

Quorum virtutes sunt discutientes, colicam fistentes, & cutaneos nævos abstergentes.

OLEUM NUCUM MOSCHATARUM.

R. Nucum moschatarum quantum lubet,
Optimè contundantur, tum vino calido irrorentur, ex quibus dein, dum adhuc calent, lege artis, oleum exprimatur.

Ventriculum inundatum roborat, frigidam & humidam ejus intemperiem corrigit, genitalibus illinitum venerem stimulare perhibetur.

OLEUM OVORUM.

R. Ovorum recentium, quantum placet,

Coquantur donec penitus indurentur, dein vitelli ex iis eximantur, & comminuti lentissime assentur in sartagine, donec granulescant, tunc adhuc ferventes & forti facculo inclusi exprimantur, ut oleum prodeat.

Convenit in ambustis, herniis, fissuris labiorum, papillarum, manuum, pedum, ani, & doloribus hæmorrhoidum, ad foveas variolantium explendas cosmeticum quoquè dicitur.

